

PULIHAN SA MALANGKOBON-SA-TANAN, MASANGKARONG CRISTO ANG KULTURA ALANG SA USANG BAG-ONG TAWO

Mensahe 4

Gibag-o Adlaw-adlaw sa Bag-ong Sangkap sa Kinabuhi sa Pagkabanhaw aron Mapulihan ang Atong Kultura ug Mahimong Usang Bag-ong Tawo sa Realidad sa Pagkahimong sama Kabag-o sa Bag-ong Jerusalem

Basahong Kasulatan: 2 Cor. 4:16; Efe. 2:15; 4:22-24; Col. 3:10-11

I. Niingon ang Efeso 4:22 nga, “Hukason ninyo, kalabot sa batasan ninyo sa pagkinabuhi kaniadto, ang daang tawo”:

- A. Nagpasabot *ang daang tawo* sa natural nga kinabuhi sa atong kalag; ang daang tawo mao ang atong pagkatawo mismo, nga gilalang sa Dios apan nahulog tungod sa sala—Rom. 6:6:
1. Makadaot sa iglesiahang kinabuhi ang daang tawo ug ang tanang nalakip niini; hain ngani ang daang tawo, wala gyoy iglesia; nagpasabot kini nga tungod sa pagkamao nato, sa naa nato, ug sa gibuhat nato imposibleng maanaay iglesiahang kinabuhi.
 2. Kon padayon tang magkinabuhi uyon sa daang tawo, madaot gyod pag-ayo ang iglesiahang kinabuhi, mawala man ngani; kon hukason nato ang daang tawo ug ang batasan sa pagkinabuhi niini kaniadto, maanaa nato ang matahom kaayong iglesiahang kinabuhi, nga gamayng hulad sa Bag-ong Jerusalem; niana nga iglesiahang kinabuhi wala gyoy pagbahinbahin.
- B. Makahuloganon kaayo ang mga pulong *batasan sa pagkinabuhi*; sa matag nasod sa kalibotan ug sa matag katawhan naa gyoy nailang batasan sa pagkinabuhi:
1. Naglakip sa tanang may kalabotan nato ang batasan sa pagkinabuhi kaniadto; hukason gyod nato ang bisan unsang pagkamao nato, bisan unsang gibuhat nato, ug bisan unsang naa nato; hukason gyod nato ang atong pagkinabuhi mismo ug ang atong kultura; maglabi kakusganon ang atong kultura, labi sab tang manaway sa uban—itandi sa Efe. 4:31-32; Col. 3:12-14.
 2. Kon tinuod gyod tang nagtinguha nga mabag-o, hukason gyod nato ang batasan sa pagkinabuhi kaniadto, nga naglambigit sa atong pagkinabuhi ug kultura; sa bag-ong tawo dili gyod mahimong naay Gresyanhon ug Judio, luog ug Sityanhon, ulipon ug tawong gawasnon, kay gisalikway na man ang batasan sa pagkinabuhi kaniadto nga naa ning mga katawhana.
 3. Mobalik ngani ta sa daang batasan sa pagkinabuhi, diha-dayon mabati nato nga nangitngit ang atong sulod ug nalayo ta sa kinabuhi sa Dios—Efe. 4:17-19.
 4. Aron maanaay iglesiahang kinabuhi, hukason gyod sa mga tawo sa nagkalainlaing kultura ug nasod ang daang tawo nga gipakalawas sa pagkinabuhi nila kaniadto; diha sa iglesiahang kinabuhi alang ra gyod ni Cristo ang luna—Col. 3:10-11.
 5. Makasusubo gyod nga dunay giingong mga iglesia nga naporma segun sa nasyonalidad; imbis mahalon ang napanunod nato, isalikway gyod nato kini; awtomatikong palabihon nato ang daang katilingbanong kinabuhi nato, apan hingpit gyong bag-ohon ang pagkinabuhi nato sa kinaiya, batasan, ug pagbansay.

II. Kay hiniusang tawo man ang bag-ong tawo sa Efeso 2:15-16, hiniusa sab gyod ang bag-ong tawo sa 4:24; matod pa sa Efeso 4:24, isul-ob gyod nato ang bag-ong tawo mismo nga gilalang na diha ni Cristo:

- A. Sa pagpabautismo gihukas nato ang daang tawo, nga gilansang sa krus uban ni Cristo ug gilubong; sa pagpabautismo sab gisul-ob nato ang bag-ong tawo—vv. 22-24; Rom. 6:6, 4.
- B. Nahuman na nga mga kamatuoran ang paghukas sa daang tawo ug pagsul-ob sa bag-ong tawo; kinahanglan masinati ug maamgohan nato karon kining mga kamatuorana sa pagpabag-o sa espiritu sa atong salabotan—Efe. 4:23:
 - 1. Ang paghukas sa daang tawo pagdumili ug pagsalikway man sa daang kaugalingon pinaagi sa pag-aplikar sa krus niini—v. 22; Mat. 16:24.
 - 2. Ang pagsul-ob sa bag-ong tawo pagkinabuhi ug pagpadako man nato ni Cristo pinaagi sa madagayaong sangkap sa Espiritu ni Jesucristo (Fil. 1:19-21); pag-aplikar kini sa nahuman ni Cristo sa paglalang Niya sa bag-ong tawo (Efe. 2:15; 4:24).
- C. Kinahanglan mahimo gyong espiritu sa atong salabotan ang atong espiritu nga nasagol sa Espiritu sa Dios (v. 23); mapinaagi dayon sa espiritu ang tibuok natong pagkinabuhi, ug mauyon sa espiritu ang tanang buhaton nato; sa gibag-o ta ning espirituha, gisul-ob nato ang bag-ong tawo.
- D. Maggawi gyod ta uyon sa nasagol nga espiritu nga nikaylap sa atong salabotan ug nagpuno niini; sa ingon niana maanaa sa espiritu sa salabotan ang inadlawng paggawi sa bag-ong tawo; kini ang sekreto sa iglesiahanong kinabuhi—v. 23.
- E. Naa sa atong espiritu ang bag-ong tawo; ang paagi nga masul-ob ang bag-ong tawo kana mang mahimong espiritu sa atong salabotan ang atong espiritu (nga nasagol sa Espiritu), nga niini naa ang Dios, ang puluy-anan sa Dios, ug ang bag-ong tawo—2:22; 4:23:
 - 1. Kanang mahimong espiritu sa atong salabotan ang espiritu nagpasabot nga ang espiritu maoy nagdumala, nagkontrol, nagdominar, nagbuot, ug nanagiya sa atong salabotan (itandi sa 1 Cor. 2:15-16; 2 Cor. 2:13; 10:4-5); kon ang espiritu ngani ang magdumala sa atong salabotan, makontrol sa atong espiritu ang tibuok natong pagkatawo.
 - 2. Nag-agad ang pagsul-ob nato sa bag-ong tawo sa pagdumala sa atong espiritu sa atong pagkatawo (1 Cor. 2:15); kon ang atong espiritu ngani ang magdominar ug magdumala nato, wala gyoy luna alang sa kultura, mga opinyon, o kabalaoran ba; walay luna alang sa atong paagi kay gidominar, gikontrol, gimandoan, ug gidumala man sa atong espiritu ang tibuok natong pagkatawo.
 - 3. Labi nga motuhop, mosurop, ug manag-iya sa atong salabotan ang nasagol nga espiritu, labi sab nga himoon natong hunahuna nato ang hunahuna ni Cristo—Fil. 2:5; 1 Cor. 2:16; Rom. 12:2.
- F. Sa pagtuo nato ni Ginoong Jesus, nisulod sa atong espiritu ang Espiritung taghatag-og-kinabuhi, dala ang bag-ong tawo isip nahuman na nga produkto; mosurop ug mokaylap gyod karon sa matag bahin sa atong pagkatawo ang bag-ong tawo; kining pagkaylap mao ang pagsul-ob sa bag-ong tawo ug ang pagbag-o.
- G. Dili gyod ta magkinabuhi segun sa kakawangan sa salabotan, kondili sa espiritu sa salabotan; kini ang sekreto sa inadlawng pagkinabuhi sa hiniusang usang bag-ong tawo, ang sekreto sa pagkaanaay iglesiahanong kinabuhi nga napuno sa karakter sa Dios, sa alimyon ni Cristo, ug sa pagkausa sa Espiritu—Efe. 4:3-4, 17-18, 23-24.

- H. Sa paghigugma nato sa Ginoo ug sa pagbansay sa atong espiritu sa pag-ampo ug sa pagbasa sa Pulong adlaw-adlaw, mapuno sa nasagol nga espiritu ang atong salabotan; mousab ug mobag-o kini sa atong salabotan; ang pagkabag-o sa atong salabotan pagkawala man sa tanang daang hunahuna kalabot sa mga butang sa kinabuhi sa tawo ug pagkabag-o pag-usab pinaagi sa pagtulon-an sa Balaang Kasulatan ug sa paghayag sa Espiritu Santo—Sal. 119:105, 130; 2 Tim. 3:15-17; Deut. 17:18-20.
- I. Ang bugtong posibilidad nga matuman ang tuyo sa Dios ning panahona, nga maanaa ang usang bag-ong tawo sa realidad, kana mang andam tang tanan magpabag-o diha sa espiritu sa atong salabotan.

III. Ang sentrong punto sa pulong ni Pablo sa mga taga-Colosas kalabot man sa pagpabag-o sa salabotan ngadto sa hingpit nga pagkaila ni Cristo, nga dagway sa Dios; gilalang ang bag-ong tawo diha sa atong espiritu ug kamulong gibag-o diha sa atong salabotan ngadto sa hingpit nga pagkaila uyon sa dagway ni Cristo—Efe. 2:15; Col. 3:10-11:

- A. Kay gilalang man ang bag-ong tawo pinaagi nato, nga iya sa daang kabuhatan, bag-ohon gyod kini; labi gyong naa sa atong salabotan kining pagbag-o ingon sa gipasabot sa pamulong *ngadto sa hingpit nga pagkaila*—v. 10.
- B. Nakompleto na ang paglalang sa bag-ong tawo uyon sa Dios, apan sa kasinatian nato kamulo ug hinayhinay pang gibag-o ang bag-ong tawo ngadto sa hingpit nga pagkaila; labi natong isul-ob ang bag-ong tawo, labi sab tang mabag-o uyon sa pagkamao sa Dios, ug labi tang maanaay dagway Niya, ang pagpadayag sa pagkamao Niya—v. 10.
- C. Ang mabag-o kana mang madugang sa atong pagkatawo ang elemento sa Dios aron mapulihan ug mahabwa ang daang elemento nato—Bug. 21:5; 2 Cor. 5:17; Rom. 12:2; 2 Cor. 4:16:
 - 1. Naedukar ug natukod ang natural ug nasodnong panghunahuna nato segun sa atong kaliwat ug kultura; kini ang kinadak-ang kaulangan sa praktikal nga pagkaanaa sa bag-ong tawo.
 - 2. Aron hingpit nga maanaa ang usang bag-ong tawo, mosinati gyod tag hingpit nga pagbag-o sa atong salabotan, nga natukod segun sa atong nasyonalidad ug kultura.
- D. Ang pagkabag-o mao ang Dios; busa, ang pagkabag-o pagkahimo mang Dios sa kinabuhi ug kinaiya apan dili sa ranggo sa Dios:
 - 1. Bag-o ang Dios hangtod sa hangtod, ug gipatuhop Niya sa atong pagkatawo ang kanunayng-bag-o nga pagkamao Niya aron mabag-o ang tibuok natong pagkatawo—Rom. 12:2; Col. 3:10.
 - 2. Gibag-o ta sa Espiritu sa Dios sa mga bahin nato sa sulod pinaagi sa pagpatuhop sa mga kaayo sa Dios, nga bag-o hangtod sa hangtod, dili gyod madaan, ug walay kataposan ug dili mausab—Bug. 21:5.
 - 3. Gipaambit sa nagbag-ong Espiritu ang diosnong pagkamao sa bag-ong tawo nganha sa atong pagkatawo aron himoon tang bag-ong binuhat, bag-ong tawo—Tito 3:5; 2 Cor. 5:17; Gal. 6:15.

IV. Kita gyod unta kadtong gibag-o adlaw-adlaw sa bag-ong sangkap sa kinabuhi sa pagkabanhaw aron mapulihan ang atong kultura ug mahimong usang bag-ong tawo sa realidad sa pagkahimong sama kabag-o sa Bag-ong Jerusalem—2 Cor. 4:16:

- A. Dili mahitabo kas-a ug hangtod na sa dayon ang pagsul-ob sa bag-ong tawo;

tibuok-kinabuhi hinuon kini, inanayng kahikayan nga magpadayon sa tibuok Cristohanong kinabuhi nato.

- B. Maggawi gyod diha sa pagkabag-o sa diosnong kinabuhi sa pagkabanhaw ug moalagad diha sa kabag-o sa espiritu kitang gipanganak pag-usab nga mga magtutuo—Rom. 6:4; 7:6.
- C. Bag-ohon gyod ang mga magtutuo aron masama kabag-o sa Bag-ong Jerusalem kay nagkahimo na man silang tanan nga Bag-ong Jerusalem sa paggawi nila diha sa kabag-o sa kinabuhi (6:4) ug pagtukod sa Bag-ong Jerusalem sa pag-alagad nila diha sa kabag-o sa espiritu (7:6).
- D. Ang pagbag-o kanato diha sa espiritu sa atong salabotan aron man matransporma ta adlaw-adlaw ngadto sa dagway ni Cristo pinaagi sa pag-ut-ot sa atong tawo sa gawas sa pag-antos sa atong palibot aron mabag-o ang tawo nato sa sulod—2 Cor. 4:16:
 - 1. Samtang nag-antos ta, magpabag-o gyod ta; kay kon dili, dili magpulos kanato ang pag-antos nga nasinati nato; naay dangpanan sa sulod nato—ang atong espiritu—Sal. 91:1; 27:5; 31:20; Isa. 32:2; 2 Tim. 4:22; Gal. 6:17-18.
 - 2. Gipahaluna sa Dios ang atong palibot aron sa hinayhinay ug adlaw-adlaw maut-ot ang atong tawo sa gawas ug mabag-o ang atong tawo sa sulod tungod sa bag-ong sangkap sa pneumaticong Cristo nga kinabuhi sa pagkabanhaw—2 Cor. 4:16.
- E. Aron mabag-o adlaw-adlaw, kinahanglan madasig ta pag-usab matag buntag—Mat. 13:43; Luc. 1:78-79; Prov. 4:18; Huk. 5:31; 2 Cor. 4:16.
- F. Gibag-o ta adlaw-adlaw pinaagi sa upat ka butang: sa krus (vv. 10-12, 16-18); sa Espiritu Santo nga pinaagi niini gipabalik ta pag-usab sa maayong kahimtang, gibuhat pag-usab, ug gibag-o sa dagway pinaagi sa diosnong kinabuhi (Tito 3:5); sa nasagol nga espiritu nato (Efe. 4:23); ug sa balaang pulong sa Dios (5:26).
- G. Motambong gyod ta sa talad sa Ginoo diha sa kabag-o (Mat. 26:29); dili gyod modawat ang Ginoo og daang talad; kinahanglan mabag-o ta sa pagkat-on sa pag-ingon og: “Gikasubo ko; pasayloa ko.”

V. Nag-agad ang pagbag-o sa bag-ong tawo sa pagtinguha nato sa mga butang sa itaas—Col. 3:1-2; Efe. 2:5-6:

- A. Ang pagtinguha sa mga butang sa itaas pagsanong ug pagpasumbalik man sa kalihokan ni Cristo sa langitnong pagpangalagad Niya—Heb. 2:17; 4:14; 7:26; 8:1-2; Bug. 5:6; Col. 3:1-2:
 - 1. Dunay pagpalatay nga nahitabo gikan ni Cristo nga naa sa langit nganhi nato dinhi sa yuta pinaagi sa malangkobon-sa-tanan nga Espiritu nga naa sa atong espiritu—Efe. 1:19, 22-23; 2:22:
 - a. Ang atong espiritu maoy tigdawat sa diosnong pagpalatay, samtang ang trono sa Dios nga naa sa langit maoy tigpalatay—Bug. 5:6.
 - b. Sa pagliso nato sa atong espiritu, maisa ta ngadto sa langit; tungod sa pagpalatay gikan sa trono sa Dios nga naa sa langit nganhi sa atong espiritu, mosinati ug magpahimulos ngani ta ni Cristo dinhi sa yuta, naa ta sa langit sa samang panahon—4:1-2.
 - 2. Sa langitnong pagpangalagad ni Cristo nangatiman Siya sa mga tawo, ug mobulig gyod ta Niya sa pagpangatiman sa mga tawo; kon dawaton nato kining pakig-ambitaya, duna unyay dakong pagkadasig pag-usab dinhi sa yuta nga makapabalik sa Ginoo—1 Ped. 5:1-4; itandi sa Mat. 9:36; 10:1-6; Juan 21:15-17; 1 Ped. 2:25; Heb. 13:20.
- B. Kon moliso ta sa langitnong Cristo ug sa tanang kalihokan Niya ug ipatumong

ang atong hunahuna ning mga butanga, diha-dayon mabag-o ang bag-ong tawo—8:1-2; 12:2; Col. 3:2.

- C. Mohingpit kini sa tuyo sa Dios sa paghimo sa mga magtutuo nga bag-ong tawo isip bag-ong kabuhatan nga mahingpit sa Bag-ong Jerusalem; ang bag-ong tawo nga obra maestra sa buhat sa Dios bug-os gyong bag-ong butang sa uniberso, bag-ong imbento sa Dios—vv. 10-11; 2 Cor. 5:17; Gal. 6:15-17; Efe. 2:10, 15.
- D. Tumong sa Dios nga mabatonan ang usang bag-ong tawo nga sa kataposan mahingpit sa Bag-ong Jerusalem, nga maoy kinataposang kahingpitan sa usang bag-ong tawo.